

## MØG-A ÁCĪMMI YI KÖMI LÄBØ KI RI GĪG-A DWADDI KIPER DHANHØ BÈNE

G.A. res. 217A (III), U.N. Doc A/810 at 71 (1948)

### THYËRØ

Ka árum yïëyïi kinni wøri bëedi dhanhø á dhanhø pere tek, ki kinni gïn-a cwøl á dhanhø pār bëne, o di dwaddø kinni bëed ji bønn ki kömi piny ki mër, ge gøgg-a dyër, e bong ngan geny,

Kà bëed wøyi dhanhø nyii kånø ki bëedø me raj, ki liny geki rënyi rumi dhanhø, ka bëen-a di bëed ji ge køm-a dyër e bong ngan mään kwøbi kej dhøge, o yïëye bëede á cwagge kete, e dhanhø pa böggi rumø yïëyø kinni bene bëen-a tyer yi ji bønn,

Kà bëede á gïn pere tek kinni keløg dhanhø odhalø yi räji bëedø, nyii rumø kinni óyiel-a yi ngänyi wäye kipe kà guud wange, ngan ni menani di ceg ka korrø yi cigg,

Kà bëede á gïn pere teg kinni bëed pödghi kömi piny bønn ki mër, e ri gen ngänyi yi gen,

Kà árum yïëyïi yi Buri Pödghi Kömi Piny, ka cīb yi gen á Cigg kinni dhanhø bëne pār, o ko mään gīndøj men-a dwdde, má ji ceg bëedrø ga ji bønn ceth, o ge pār bønn ying ga cwøw walà männ, ge di dwaddø kinni køny gen ki tyenyi bëedi gen, o ge dönyi gen ge bønn,

Kà árum yïëyïi yi Pödhh-a Yij Buri Kömi Piny, ka ge oköøbø kinni ge ógöögø kiper tyëgi møg-a áyïëy yi gen ki gwøggø, kyeel ki Buri Pödghi Kömi Piny, a løg kønyi dhanhø bëne ki wøri ree, ki korri ji bønn,

Kà örum yodii yïi ji kinni gīg-a dwaddi yi dhanhø bëne päär ki kinni bëed dhanhø wīje, bene gen a per gen teg kiper dhanhø bëne,

Anan, ki bang møgani bønn,

### Buri Kömi Piny Bëne

Ceg-a cīb ki Gīg-a Dwaddi Kiper Dhanhø bëne ki Kömi Läbø; møgani cīb ga møg mīdhi yi ji bønn ki pödhh bønn; ge ködd-a kömi dhanhø geki tyëng-a bëed gen ki kej ákyel, bëed gen ceth ge mīdh-a Møg-a Ácīb ki wādhi gen, ka gīgani pwönyi teedø, kiep kinni o ji dīd gen ki wøri ri gen, o gīgdwaddi møg-a ácīb kipe bëedi ji ki wādhi gen ge pa böggi mīdhi ki wuödø kī yij pödhhø kete ki kelli pödghi kömi piny, kipe mīdhi døjji burø kī kömi piny bëne, e ji ri gen gānyi yi gen, o ge wør-a ri gen kī yedhi Pödhh-a Yij Buri Kömi Piny, kī kelli tyëng-a bëedø ki yedhi pinyi pödhhani ge mīdh-a cigg.

### Cigg 1

Dhanhø bëne ba anywølø e path ki bång, ge pār ki yij bëedø geki dyërø. gīn-a dwaddi kiper gen yī gen da rumi ki bëedø mø göög gen ki pyëw akyel ga nyimëgg.

### Cigg 2

Dhanhø bëne yïe da cwagge kipe gïn-a dwadde kí bongi bängø men-a ácíb ki yij buri jur bënn, e bong geny, kiri jur wala kïdø wala ki bëëdø á dhajø wala jalø, wala kwøbbi pödhø wala keløg e da rum mø bëën pödhï wun wala tha gøl wun wala jammi wala nywølø ki bëëdø.

Cigg 3

Dhanhø bëne dwadd-a nënnì kì kömi läbø, ki bongi bängø ki kori dëële.

Cigg 4

Ko di dhanhø me mïdhi wala ngew a bäng Nygøw ki bängg ba akerø ki yëdh-a nyi göggi bënn.

Cigg 5

Dhanhø ko pwöd wala dwany, wala ko göggi ki gïn-a pa nyi göggi dhanhø wala mөг-a raj wala ko göggi ki abaarø.

Cigg 6

Dhanhø bëne di dwaddø kinni wør á dhanhø ceth ki bøli cigg.

Cigg 7

Dhanhø bëne pär ki bøli cigg, o ge dwadd-a bëëdø e bong geny, o bëëd ji bënn ge okorrø yi cigg.

Cigg 8

Dhanhø bëne ócuggø kedhi buri pödhø keløg e ogöggø ki raj ki kömi gëë men-a mëggii yi cigg.

Cigg 9

Bong dhanhø me mag wala mään wala kyeew kej megø.

Cigg 10

Dhanhø bëne bëëde e par ki ji bënn ki bøli burø. Ka gønye lidh kì burø me yije bong geny kì ruj.

Cigg 11

Dhanhø men köme di cay bëëd a acwag kinni yïe bär gïti na kenya-a ocayii, e cáyani køøl-a kömi cigg.

Bong dhanhø men cuggi cayø kipe gïn-a gwøg yi en wala men-a nuti gwøgø yì en gïti kenya-a o yodì kinnì cigg mø pödhø wala mø kömi läbø gï pyeem en ki bøli kenya-a ocwøb kwøbani. Thyew, ko cay kí cáy mø lod mөг-a caayii kì bøli kenya-a acwøb rajjani.

Cigg 12

Ko di dhanhø me göggi ki raj kì yij bëëde wala gøle wala kenya-a bëëde. wala köme ko köøb ki kwøb mø rënyi nyinge. Dhanhø bëne di dwaddø kinni kor yi cigg.

### Cigg 13

Dhanhø bëne ba ayiëy kinni wele. wlala bëede ki yij keew pödhø bëne.

Dhanhø bëne ba ayiëy ki dägi pödhø megø. Ócuggø dhwödhø ki pödhi gen, o ócuggø ki dwöögø yije.

### Cigg 14

Dhanhø bëne ba ayiëy ki yömi pödhø megø keløg wange uguudø ki pödhi gen.

Dyër menani ko mään dhanhø keløg e da guudi nying, kí mød kipe kwøbbi jyägø. wala kipe mø bään ki møg-a ácib yi Buri Kömi Piny.

### Cigg 15

Dhanhø bëne yie da dyër me kábbe kí jïnsia mi pödhø me path ki pödhi gen.

Bong dhanhø me cuggi määnø ki jïnsia mee ki mi podhø megø.

### Cigg 16

Dhajø geki jalø møg-a wädhi runni nywöm yï gen da dyërø me nywøm gen ri gen, o ge göög gen ki kal e bong gïn jog gen kiri kwøbbi Jwøk wala købbi jur, nimi ka nywøm gen ri gen, yï gen da dyër kiri nywöm geki täng.

Nywöm dwada cuggø ki kaam dhajø geki jalø e bong cïir.

Kal áwöni pere teeg ceth ki buri ji, o kor ceth yi burani kì pödhø.

### Cigg 17

Dhanhø bëne ceg bëedø á ayiëy kí mïdhø ki jammi, ying gï mïdhe ga møge ket wala møge geki ji møggø.

Jammi dhanhø ko wöl ki kabø.

### Cigg 18

Dhanhø bëne yie da dyërø me rume, ki bëedø ki kwøbbi Jwøk. O dyërø menani thödhø gøn ki teegø me wile kwøbbi Jwøge wala yiëye kete wala geki ji møgø.

### Cigg 19

Dhanhø bëne yie da dyërø mi kwøb ki nyudhø ki gïn-ao røm yi en, dyërø menani wëga en yëyø ki rumi ji møgø e bong cïr, ócuggø tïngø ki wödd ki yï ji räädi ki wäjji e bong ngan määnii.

### Cigg 20

Dhanhø bëne yie da dyërø me rëbe ki bur møggø ki akudd-a yedhi gïn yïdde mër.

Bong dhanhø me cir kipe o rëbe ki akud megø.

## Cigg 21

Dhanhø bëne yïe da dyërø me gööge kî yij mîri mi pödhø, keløg e gsøg ki kenyani yood en ka cwagge wala kwa ny-a yi ji møøggø.

Dhanhø bëne yïe da dyër me nimi ngan-a kyeelø o gööge ki kâjji gwögg kî yij pödhø.

Yïëyø mi ji en a re kääł yi teegi mîri, ø yiëyani kääł-a bang leeng men-a nyi leeng ji o cugi bëedø a leeng tîngi cing wala men-a nyi gwed.

## Cigg 22

Bëedi dhanhø á ákyel kî kelli tyëng pödhø wang-a kinni, burani ki bang gsøg pödhø ki nywäg kömi läbø geki møg-a nywag, ki tyëny pödhø ki jamm-a nyi nywøl en ki møg-a kâni ki ngyëny, ki bëedø kî kej akyel, ki øddi gwedd møg-a bong kâr, ki teegi peri dhanhø ki kunø e bong bäängø kipe dhanhø.

## Cigg 23

Dhanhø bëne yïe da dyër o gööge; ki gwøng-a dwaddi yi en, ka pödhø kore o bëedø e bong ngan jad ki gwøg.

Nyi cuddi dhanhø kî köögi men-a kyëëw ki gwøng-a gwøge e bong geny.

Dhanhø bëne men-a göögø yïe da dyërø me cudii ki köögi men rømi kipere kî gøle.

Dhanhø bëne yïe da dyërø me køøgii kenya-a órum gwøge á (makäpî) me köme pädhi yi en geki gøle, o köme ócuggø ki kîdhø kipe kinni wange ko cyäni kenya-a ódøøg cinge ree.

## Cigg 24

Dhanhø bëne yïe da dyërø kipe cyäng ywömø ka cuddi ceth keløg e ogöögø ki cyääng ywömø.

## Cigg 25

Dhanhø bëne yïe da dyërø ki yij bëedø, kipe kori dëële, ki cwage, ki gøle, gîgcaam, ki ogødh, ki ød, kori rämi dël ki jam døj kipe bëedø, thyew ki dyër me korii ke bong yïe gwøg, rämi dël nyødhi dël, ki kîjø, ki döng.

Mëgg ki othønhø yï gen da dyër mi kori gen ki kønyi gen, othønhø bënn dwata korø, møg-a nywøl kiri yuu nywöm wala møg-a nywøl ki yëdhh møøggø.

## Cigg 26

Dhanhø bëne yïe da dyërø mi dîdø ki gwed ka cugge. Gwed dwatá bëed e bang gîn col. Ka dwate bëed a cîr kipe cukø, yiëy nyi gwed wala nyi gwed ki ød gwed men-a ying mal dwatá kâl bang pödhø me.

Dîdø dwata bëedø á men tîng bëedi dhanhø o wøre dyërø ki bongi bängø kipe lîngi dhøg, ki dwög laaw piny ki kelli teedø ki kelli jur møg-a gënyø, ki tyëng kwøbbi Jwøk møg- a bän, møgani køny-a tyëng buri kömi

lābø ki kori mēr.

Wëgg yī gen da dyēr kipe yeny yöö men-a dīd yi nywølli gen.

Cigg 27

Dhanhø bēne yīe da dyērø me nywäge kiri kwöng bēēdi ji ki kunyø kipe dīdø.

Dhanhø bēne yīe da dyēr kipe kori köngi ki jamm-a nywø1 yi dīdø.

Cigg 28

Bēēd dhanhø e okorø yi cigg møg; gen a cigg-a ácīb ga møg ri gen bēēd yi pōdhø kí bēēndøj geki pōdhh-a kyeelø e da korri gīg-a dwaddi kipe døøji burø, ki tābbø, ni ka ácīb gen ceth ga møg mīdhi.

Cigg 29

Dhanhø bēne yīe da mwøg me dwati gwøggø yi en ki buri ji.

Kiri gwøgg dyēr ki bongi bääng, dhanhø bēne dwata bēēd nimi ka dwatii yi cigg, kipe kori yiēyø ki wøri dyēr kí bongi bäängø mi ji møøggø.

Dyēr møgani kí bongi bäängø, mīdhi gen ceth kí yuu-a dwaddi yi Buri Pōdhhi Kömi Piny.

Cigg 30

Ki yij nyudhø men, bong gīn cuggi løgø me nēngi pōdhø wala ji wala dhanhø ki teegø me gööge kipe rēnyi gīg-a ácīb møg ki bongi bäängø mø bään ki møg-a ácīb ki yij wānyø men; a løg Møg-a Acīb yi Buri Pōdhhi Kömi Piny.